

713210 P. 11 *Thomas Barnes*
PEPLVS.

**ILLVSTRISSIMI
VIRI D. PHILIPPI
SIDNAEI SVPRE-
MIS HONORIBVS
DICATVS.**



*Αἰεὶ τὸτο Δίδε κόρυς μῆλει, αἴν' ἀοιδίς,
Ἕμειν ἀθανάτους, ὑμείν ἀγαθὸν κλῆα ἀνθρώπων.*


**DIGNUM LAUDE VIRUM
MUSA VETAT MORI.**

**OXON II,
Excudebat Iosephus Barnesius, Anno
salutis humanæ 1587.**

✓

W. Herbert.

EXCEP. V. S.
DOMINUS
LIBRARIUS
VICTOR D. PHILIPPI
SIDNABET SVPR-
MIS HONORIBVS
DICALVS.



DIGNUM LAUDE VIRUM
MUS AUSTAT MORI-
rector: Edwardus Petrus Bannellus, Anno
and (...) petrus Vago, plus vno
in vno petro ONI, ex parte voluntas.
Alexandrus Petrus Bannellus, Anno
in vno petro Bannellus, Anno
VICTOR

EXCELLENTISSIMO

DOMINO, D. HENRICO

HERBERTO, PENBRO-

CHIAE COMITI, CARDIDIAE,

MARMIONII, SANCTI-

QUE QUINTINI DESPOTÆ,

CAMBRIÆ PRÆSIDI, ET AV-

REAE PERISCELIDIS EQVI-

TI: IOANNES LVIDVS

S. D.



VANTA DIVINI

illius Philippi Sidnæi, tuæ,

Excellentissime Comes,

vxoris, Illustrissimæ femi-

næ, fratris germani; mo-

rum autem similitudine,

tui; virtus ac præstantia fuerit: summa omni-

um dum viueret, admiratio testabatur; & tri-

stissimum iam mortui desiderium declarat

cumulatissimè. Inter quos, ne nostrum offi-

cium, si nullum appareret, nullum esse vide-

retur: aliquod Pietatis nostræ monumen-

tum (.... quod ô patrima Virgo, Plus vno

maneat perenne seculo) extare volumus.

Aristoteles, vir in omni literarum genere

summus, tot seculis elapsis, Peplum suum in

A2

virorum

virorum fortium, qui ad Troiam ceciderāt,
laudes, edere non dubitauit. A nobis itidem,
haud impari conatu, maiore certè studio,
Peplum, supremis incomparabilis Herōis
honoribus anno vertente consecratum, te-
xi; quis, nisi ab omni iudicio ac ratione in-
ops, vitio vertet? Quem arctiore beneuolē-
tia, quòd & Philippi tui laudes contineat, &
à Noui Collegij alumniis, cuius tu olim Col-
legij alumnus quoq; fuisti, proficiſcatur; te
complexurum confidimus. Vale. Oxonij.
E Collegio Nouo. VII. KL. Septemb.
CIC. IO. XXCVII.



AD LECTORES.

SACRA Deum canimus; linguis animisque faueto:

Sic proci omne nefas, candida turba veni.

Candida turba veni Musis & Apolline digna,

Et superent mœnia, clauda corda stellas.

Ecce chorus Phœbi mœstus longo ordine prodit,

Damnatus votis, Diue Philippe, tuis.

Et calathis spargit canentis lilia plenis.

Veris purpureas officiosus opes.

Si hinc inuicta tangantur, missa, placula pectus,

Sacra fuge; impuro non adgredenda pede.

Quisquis es, horrendam patieris nituminis iram;

Exsoluent sacrum februa nulla caput.

Haud iniussa canunt diuinis pectore Vates

Baccare munias, liuide, carpe comas.

PEPLVS,



PEPLVS,
D. PHILIPPI SIDNÆI
SVPREMIS HONORI-
BVS DICATVS.

D. PHILIPPI
ΑΡΑ.

ΒΩΜΟΝ ΒΛΕΨΕΙΣ ΦΙΛΙΠΠΟΥ.
ΤΙ ΣΟΙ ΠΛΕΟΝ ΔΑΔΗΣΩ;
ΕΤΕΤΞΕ ΠΑΛΛΑΣ, ΑΣΠΕΤΟΝ ΦΡΕΝΙ
ΕΛΟΥΣΑ ΡΕΝΘΟΣ, ΕΓΧΟΣ, ΑΓΓΙΔΑ
ΡΙΨΑΣ, ΑΡΗΟΣ ΕΡΓΑ ΔΥΣΦΡΟΝΑ
ΔΙΠΟΙΣΑ ΜΑΙΝΟΩ, ΜΙΑΙΦΡΟΝΩ.
ΕΡΑΣΜΙΗ ΚΤΘΗΡΗ
ΙΔΟΙΣ' ΑΔΩΝΙΝ ΑΔΛΟΝ,
ΑΔΩΝΙΣΤΕΡΟΝ ΑΔΛΟΝ,
ΑΝΑΞΙΩ, ΔΑΜΕΝΤΑ
ΜΟΡΩ, ΒΕΛΕΙ ΑΡΗΟΣ
ΩΣ ΑΙΔΙΝΟΝ ΣΤΕΝΑΞΕ,
ΘΑΛΕΡΟΝ ΧΕΟΙΣΑ ΔΑΚΡΥ,
ΘΕΟΝ ΟΒΡΙΜΟΝ ΣΤΥΓΟΙΣΑ.
ΚΟΤΩ, ΖΕΟΙΣ' ΑΝΗΡΓΑΣΕΝ ΤΑ
ΡΙΠΕΝΤΑ ΠΑΛΛΑΣ ΟΠΑ ΧΕΙΡΙ,
ΕΦΗΤ', ΙΒΗΡΙΚΩΝ ΑΩΤΑ
ΦΩΤΩΝ ΘΗ ΠΡΕΠΟΝΤΑ ΔΩΣΕΙ
ΧΤΑΔΑΙΟΝ ΑΙΜ' ΑΡΗΣ ΑΦΤΕΕΙ

Α3

DEVM

Ph. Sidnæi Peplus.

DEV M virumq; præpotens sator, throno
 Ab eminente, fulgido poli loco,
 In ALBIONIS extimæ tuens plagam;
 (Maris sitam vltimi vltimo sinu, viris
 Sed inclytis domi forisq; principem)
 Decore splendido atque amabili videt
 Simillimum omnia astrico suo choro.
 Suum perust us illico cupidine
 Cor anxium noua, frui cupit nimis.
 Et ipse ciuis esse cogitat soli,
 Relicto Olympico throno & choro simul.
 Placetq; amœnitas beata maximè
 Deis nec optimis pudendæ, Insulæ:
 Pijssimi incolæque, deditissimi
 Sacris Deorum, & æquitatis æmuli:
 Regensque VIRGO; regio sedens throno,
 Solo poloque digna que gerat manu
 Potente quidquid imperi esse perenniter.
 Sed vt sagaciùs volutat omnia,
 Decusque mentis optime aspicit stupens:
 Ad ætheris cacumina ardui vehi
 Placet, beata cœlitum sedilia:
 Vbi assidente gaudeat Deus Deo,
 Et expetita detur ora perpetim
 Tueri, & oris aureo frui sono.
 Apex vt omnis afforet boni bono,
 Nihilque deforet decens vel vtile.
 Suam BRITANNIAM quiete floridam
 Vacare bellicis tumultibus videt:
 At impio perire Marte BELGICAS
 Opes, IBERICA manu & dolo obrutas.
 Quibus mederi, AVVNCULO inclyto auspice,
 Parat: celerrimeque dissipans moras,
 Ad arma feruidus fremensque profilit.
 Leuatur horridæ necis metu horrido
 BATAVVS; incipitque pristinus vigor

Redire

Redire cordibus trementibus recens.
Cadit superbus hostis, atque manibus
IBERICIS levis gemit celox, Charon
Nec ipse sufficit, labore torridus.
Adit Iouem cito gradu, prece anxia
Adulter ille bellicus, suo agmini
Opem ruenti ab optimo petens Patre.
Salutis ergo venimus, Deum parens:
Satis cadauerum, saris. Tuum & potes
Genus manu laceffere haud tua? Viri
Fugas potentia é throno suo Deum?
Honoribusque debitis miserrimus
Carebit ille solus, idque turpiter?
Magis magisque Iuppiter cupidine
Calet flagratque percitus noua: nihil
Deesse sentiens viro, nisi in poli
Vt arce proximo fiet loco sibi,
Quod impotentiùs cupiuerat diu:
Inire gratiam paratus, obsequi
Suis amoribus paratior, preces
Libente perbibit Dei aure turbidi.
Aitque, Quod petis, leue est: adorea
Beare prospera, vt queas tuos, dabo.
Nec vmquam erit (fidem obligat Stygis palus.)
Homuncionis vt potentiâ decus
Queraris atque numen opprimi tuum.
Ouans recessit ille: ne pigro pede
Amata castra pertigit. Quæ aenea
Boatione concitat, ferum tonans:
Ad arma, Martium genus, potimini,
Potimini: cadunt: ad arma: concidunt.
Vtrinque vis furit: niuis modo cadunt.
IBERICVS Deus recondito in specu
(Fugæ suæ memor,) dolos struens latet.
Metentem IBERICO potente dextera
Duces vt intuetur: aggredi palam

Timens,

Ph. Sidnæi Peplus.

Timens, tonante missili petit ferus.
 Diespiter dolore faucius graui,
 Apollinem vocat, iuberque vulneri
 Opem ferat celer, dolore liberet
PHILIPPVM, & eximat, quod ætheris solet
 Propaginem grauare labe terrea,
 Reduxque, præstet astrici ducis vicem.
 Patris capeffit ille iussa maximi.
 Edax medente toxicum fugit Deo,
 Dolor recedit omnis, omnis auolat
 Acerbitas, & ægritudo corporis.
 Repens adest vigor. Comes ducem premit.
 Grauiſſimus **BRITANNICAM** manum occupat
 Dolor, ratos perisse nobilem Ducem.
 Catus nepos Atlantis é polo volat,
 (Malis prementibus leuamen vt ferat,
 Statuminetque corda nuncio bono,)
 Et os simillimus **SESILIO** & sonum:
LECESTRIVM-que splendido petens gradu,
 Ita infit: Amoue oris ista nubila,
 Serenus hispidum exigat foras color.
 Perisse quem putatis hostica manu
 Opinionis inſciæ cito impetu:
 Beatiore sorte cælitum fruens,
 Ioui ille proximo sedet throno Deus.
IBERICVM genus, quod exſcidit ferè
 Breui, superſtes, orat, vt, memor fui,
 Neci vouere viribus **BRITANNICIS**
 (Fauebit ipſe Iupiter) ferox velis.
 Abit Deus. **LECESTRIVS** ratum id cupit.

VIS A tibi magni ſi non ſunt ora **PHILIPPI**,
 Lumina Phœbea ſplendidiora face:

Scilicet in cæcis latuiſti talpa cauernis.

Nec lux eſt oculis vlla notata tuis.

Ph. Sidnæi Peplus.

9

*Et, si visa, minus placuit pulcherrima forma,
Cumanum prodis bellua lenta genus.*

*Funera qui siccis spectasti durus ocellis,
Aridus in rigido stat tibi corde silex.*

*Aspera qui teneris deflesti fata querelis,
Et fuit e'tantis gutta relicta malis:*

*Faucibus immensis Neptunia regna bibisti,
Aut Deus es, nostra conditione procul.*

IOANNES LVIDVS.

CVM galeam capiti, quamuis inuita, dedisset,
Armaquẽ iam nullis surripienda dolis,
Flesse quidem Andromachen, sed præ mœrore tacentem
Ante pedes sponsi nil nisi flesse ferunt,
At mihi diducto tellus prius ore dehiscat,
Aut rapido subiti fulminis igne cremer,
Quàm lacrymis ego cara tuis & fletibus, vxor,
Tum mihi, tum patriæ subtrahar, Hector ait.
Non hoc Astyanax, rutili mihi fideris instar,
Non suadere parens ille vel illa potest.
Tu quoque, qui causa non inferiore peristi,
Et pia non vlllo bella vetante Deo:
Cui pater Elyfias inter felicior vmbras,
Et comes extincto mater amata patri:
Hoc sibi vel solo minus immatura putarunt
Fata, quòd ante tuos occubuere rogos.
Cui licet Astyanax nullus, tamen vnica bello
Filia ab incepto quæ reuocaret, erat.
Illa, qua Priami nurus haud formosior vlla est,
Hæc poteras, nupta te retinente, loqui.
Quæ si non fuerant tua, vir fortissime, verba,
At poterant animos ista decere tuos.

THOMAS YAYDENVS.

B

NON

NON ego priscos celebrare versu
 Conor herôas, nec ego Philippi
 Aut Alexandri superantis, orno
 Laude triumphos.

Ast ego nostri celebros PHILIPPVM
 Temporis, clari sobolem parentis,
 Qui fuit nostra columen decusque
 Nobile gentis.

Corda prægrandis dolor occupavit
 Nostra, cum primum retulit peremptum
 Fama Sidnæum: lacrymis obortis
 Fleuimus omnes.

Acrius cura lacrymaque pungunt
 Intus incluse: tacui, nec ullos
 Edidi versus, neque præ dolore
 Musa locuta est.

Nam grauis luctus citò non loquetur:
 Scribimus serò, veniam precamur:
 Nec tamen nostro minuentur atra
 Carmine cura.

Flete Sidnæum iuuenes peremptum,
 Flete sublatum pueri senesque,
 Vspiam si qua lacryma supersunt,
 Flete PHILIPPVM.

ANGLIA vel similem tibi si, SIDNÆE, tulisset,
 Perferret mortem initiùs illa tuam.
 Vnus eras nostræ phœnix rarissima gentis,
 Nemo tibi similis, nemo secundus erat.
 Vnus eras nostro Phœbus clarissimus orbe,
 Vnus eras patriæ lausque decusque tuæ.
 Te viuo totos sæculi viximus annos,
 Sed non intrepidi te pereunte sumus.
 Vix quisquam lapsis iam dat solatia rebus,
 Nec retinet nostras anchora certa rates.

Ph. Sidnæi Peplus.

11

Cur temet dubiæ velles committere pugna?
Quærebas Martis præmia, mortis habes.
Vulnera pertulimus te non grauiora *Philippe*,
Damnaque per mortem multiplicata tuam.
Vnus erat toto lacrymarum vultus in orbe,
Quod tuus è viuis cesserat antè pater.
Vix benè desierat vetus, vt nouus ingruit horror;
Dum flemus patris funera, natus obit.
Infœlix annus duo qui clarissima ademit
Lumina, vel medio lucidiora die.
Quorum fama tamen perfectaque gloria viuet,
Dum peragent cursus sidera clara suos.

QVI Sidnæe tuum violauit vulnere corpus,
Et cuius poteras saucius esse manu,
Vel pereat subito traiectus corpora ferro,
Et Stygias adeat sanguinolentus aquas:
Vel longa tandem confectus tæbe senescat,
Et mala perpeffus plurima, plura ferat.
Terra suas fruges huic deneget, vnda liquores,
Corpora sint gelida frigidiora niue.
Aëre priuetur, nec cernat lumine lumen,
Omnibus & reliquis sensibus orbis eat.
Aut viuat miserè, nec sit miserabilis ulli,
Nec pereat, queat vt sepe perire miser.

PRæproperè nimium rapuerunt fata *Philippum*,
Heu nimium nostris inuida fata bonis.
Maximus ille armis, & maximus artibus ille,
Summus vtrinque virum nobilitauit honos.
O vtinam lacrymis possem reuocare sepultum,
Quàm vellem faciles ad mea vota Deos.

IN duo Sidnæi mutantur sidera bini,
 Sidereo aut saltem splendet uterque loco.
 In terris multos poterant vixisse per annos,
 Ad summos poterant serius ire Deos.
 Vixit uterque parum nobis, sed vixit uterque
 Sat sibi: sic pariter quo moriantur habent.
 Fama sed in toto celeberrima peruat orbe,
 Et meritis neuter laudibus orbis erit.
 Effera Sidnæum celebravit Hibernia patrem,
 Cognovit natum Belgica terra ducem.
 Diuersos adiere locos natusque paterque:
 Non uno capitur gloria tanta loco.

RICHARDVS SAVAGIVS.

VTRAQUE Sidnæum GERMANIA fleuit ademtum,
 Et reges lacrymas non tenuere suas.
 Sic tua & externis illuxit gloria terris,
 Anglia splendorem nec capit vna tuum.
 Ac velut Eois cum surgit Phœbus ab oris,
 Hesperio fessos æquore tingit equos,
 Cumque suos primis tepescerit ignibus Indos,
 Diuersa occiduo sole tepescit humus:
 Et veluti summo delapsus culmine inontis
 Multifluis latè Nilus inundat aquis:
 Haud aliter vario positis sub sidere regnis,
 Solis & irrigui fluminis instar eras.

AVDIO nescio quos nostris finemque modumque
 Iudicio lacrymis imposuisse suo.
 Cedite vecordes, ignari cedite rerum,
 Sape solet medicam vincere morbus opem.
 Duco perexiguos, quos leniat hora, dolores:
 Non in tam leni sunt mala nostra gradu.

Secula

*Sacula Sidnæum deflebunt sera peremtum,
 Tempore materiam suppeditante nouam.
 Forsitan & posthac sic miles uterque queretur,
 Non hac, Sidnæo sospite, contigerant.*

FERTVR Alexander, tumulo cūm astaret Achillis,
 Præconem questus non habuisse parem.
 Et certè fueras magno bene dignus Homero:
 Iusta querela tua est, non tua sola tamen.
 Namquæ heros noster nec forti cessit Achilli
 Marte, nec ingenio cessit, Vlysse, tuo.
 Adde, triumphantes properasse libenter ad hostes,
 Sponte sua & patrium deseruisse solum.
 Nec, quò defugeret bellum, simulasse furorem,
 Fœminæ aue virum delituisse stola.
 Præcipuum hoc, *Sidnæe*, tuum est: nec vendicat istis
 Partem vllam in titulis ille vel ille sibi.
 Et tibi erat tanto dignissima coniuge coniux,
 Penelope cui non anteferenda foret.
 Paruaquæ gnata suum poterat retinere parentem,
 Vna, & parua, patris talis egebat ope.
 Nec scœcunda Ithace est, nec frugibus apta serendis,
Anglia Gargareis præstat opima iugis.
 Et Phthio non est magnum dominarier agro,
 Te dominum norant rura perampla suum.
 Impetus hic in bella ruens torrentis ad-instar,
 Obice qui opposito sæuior ire solet:
 Impetus hic animæquæ piæ mage prodigus ardor,
 Alite Mæonio nobilitandus erat.
 Attamen, vt verum fatear (tu parce fatenti)
 Debueras nostro cautior esse bono.
 Vtquæ minus fortis, nobis magis utilis esses:
 Nonnullum virtus maxima crimen habet.
 Solum hoc crimen habes, reliqua est sine crimine vita:
 Pellæum peragunt crimina vera reum.

Sic nostro & minor est inorum probitate *Philippo*,
Cætera sunt, regni demito sceptrâ, pares.

VIRGINE *M* mirer lugere *Heliconâ* *Philippum*?
Ipse nec immerito *Iustiniane* gemas.
Plangite Pierides sparsis circum ora capillis,
Hoc solo nixa est gloria vestra viro.
Si qua mouent vestras cognata pericula mentes,
Iam nec opes, nec dat *Iustinianus* opem.
Clamet iô letum modô barbara turba triumphum,
Cæsarei perijt visquē vigorquē chori.
Nota loquor (veros & habent mea verba dolores)
Iustinianæos ultimus inter ego.

QUALIS eras primis, *Sidnæe*, agnouimus annis;
In puero summum sensimus esse virum.
Qui iuuenis, qui vir, tua quæ maturior ætas,
Heu nimium multis nota fuisse queror.
Vixisses vtinam multos longæuus in annos,
Fama senis *Pylij* non ita magna foret.
Fallor: erasquē senex, nec, quæ fert annus, egebas:
Inquē suo virtus culmine fixa stetit.
Nec grauior quisquam, nec te sapientior alter:
Sic annis animi non caruere tui.

HENRICVS MARTINVS.

TANDEM orata, diu vix exorata *Thalia*,
Iamquē satis rauco sollicitata sono:
Surda quidem semper, sed & hoc quoque tempore paulô
Surdior, ad nostras, quàm solet esse preces,
Aduenit; & quamuis dea sit iuuenilibus annis,
Nec inuenis tardo nec dea visa gradu.

Querens

Querenti qua causa mora, nec ad hoc mihi promtè
Audit, & in gelida lumina figit humo.
Fare precor, dixi, si fas cognoscere, causam,
An quia non audis, an quia raucus ego?
An quia, qua quondam tetigit vos gratia nostri,
Incipit in vestro vilior esse choro?
An Deus Harpocrates Pharia delapsus ab vrbe
Nunc Heliconiadas iure coërcet aquas?
Illa oculos ab humo paulatim erecta verendos,
Ab nihil istorum me retinebat, ait.
Sidnæus, Sidnæus. & hoc bis nomine dicto
Plura locutura comprimit ora dolor.
Mox ubi conualuit, Scio quid mediteris; & idem
Cur vocer, in causa est, curque vocata morer.
Audiui, venique libens, tibi nota Thalia,
Sum tamen ex animi tarda dolore mei.
Quasiturus eram, cum narratura dolorem,
Tu tace, ait. Tacui. Sic prior illa refert.
Tu quoniam celebrare paras, ego flere, Philippum,
Et mea cum causa iuncta querela tua est:
Audi igitur nostramque moram, mortemque Philippi,
Quam querendo petis, quamque tacendo cupis.
Ille modo inuitis (ita se bene gesserat) Anglis,
Ipse nec inuitus, Belgica regna petit.
Atque utinam studio coluisset bella minore,
Aut minus hoc vno bella gerenda loco.
Nec tamen inuideo laudem quamcumque Philippo,
Sed male quod cedant optima facta, queror.
Hic igitur Flandris nimium citò redditus oris,
(Namque breuem fecit, me comitante, viam)
Erigit alloquio iam pacem emortua Belgis
Pectora, laturus postmodo rebus opem.
Ecce Dei Hispanus veros vi tollere cultus
Pugnat, ut hoc tene sit quod vetet arua coli.
Non tulit oppressos virtus Sidneia Flandros,
Non tulit hic spretos mens generosa Deos.

Induit arma Deoplenus, studyquæ tenaci
Me quoque præcipitem traxit in arma manu.
Hic modò vibratas hastas, modò plumbea furtim
Miror in incertam tela rotata necem.
Hic bombardæ tonat, sera post vulnera voce,
Terret & ad Stygias quem modò misit aquas.
Ast illic subito visa se attollere turres,
Quodquæ fuit tellus antè, fit arte fretum.
Hic facit ingentes in terram turba recessus,
Inquæ suum sese protinus abdit opus.
His, puto, si vera est, onerata est Ossa lacertis,
Hæc, puto, diuulsus brachia sensit Athos.
Hortatur comites Sidnæus in hostica Belgas,
Et docet exemplo vincere castra suo.
Sic pro Romana fertur pugnasse salute
Tusco Tyndarides auxiliaris agro.
Non ego facta oculis dicam Sidnæia nostris
Cognita, non maestis facta canenda modis.
Sed cadis, heu, Sidnæe, cadis. Miracula nulla
Terra tulit multos conspicienda dies.
Impius ignavum prædo in te destinat ictum,
Crusquæ venenato figit equestre globo.
At neque tu læsam sentis, Fortissime, partem,
Nec tibi pars corpus creditur esse tui.
Descensurus equo, data tandem vulnera cernis,
Cum negat officium pars tibi læsa suum.
Cernis, & irato suspiria pectore ducis,
Non quia pes tibi, sed quòd pedis usus abest.
Deficeret corpus, gereres sine corpore bellum,
Corpore si quisquam militet absque suo.
Quærebat sibi virus edax in corpore vires,
Nec tabes medicam lenta ferebat opem.
Atque ita Sidnæus tot noctes anxius egit,
Quot tibi non simplex, Regule, pœna foret:
Cum Deus hunc vigilem servatas relinquere terras
Iussit, & æternum perpetuare diem.

Scilicet

Scilicet hunc rapitis super astra, nec amplius alter
 Quem, Superi, terris inuideatis erit?
 Tanti erat hunc unum miseris donasse Camænis,
 Gaudia Pierij nec rapuisse chori?
 Quis mihi Danubius misera satis ora rigabit,
 Aut satis in lacrymas quis mihi Nilus erit?
 At ferus ille mei Mars causa caputq; doloris,
 Hunc Parnassiacis egit in arma iugis.
 Nec satis hoc fuerat, raptum quoq; luget ab armis,
 Et partem luctus pugnat habere mei.
 Sint lugenda licet, recreant me fata Philippi,
 Fata quod Amonij sint imitata ducis.
 Missilibus telis transfixus uterq;: sed ille
 In templo: hic, acie, casus: uterq; dolo.
 Vixit uterq; tamen moriens: Heroibus alter,
 Alter Dys superis iunctus, uterq; polo.
 Quid quod Alexander Farnesius alter, & alter
 Troicus, occultam struxit utrique necem.
 Sed quid agis? Frustra quid fles ingrata Thalia?
 Flebile Achilleo credis obire modo?
 Marte obiit, decus est ipsi: clàm, dedecus hosti:
 At iuuenis, iuuenis corpore, mente senex.
 Ergo venenata perijt quia glande, dolebo:
 An latet, ad calos esse venena viam?
 Trita via est, aeo saltem tritissima nostros:
 Gallia Medeam, si dubitatur, habet.
 Hoc, fatum est Troia fatis, occumbere fato:
 Nec virtus nisi per virus obire potest.
 Senferat Alcides, Alcida senferat haeres;
 Sensit Phyllirides, Phylliridaque puer.
 Si, quæ Sidnæum, non abstulit omnia nobis,
 Tristis & ex fastis eicienda dies:
 Si quid adhuc animi mihi restat, & unica tanta
 Integra iactura mens superesse potes:
 Mens age & Hispanos saltem aspice lata dolores,
 Et minuant luctus hostica fata tuos.

*Auguror en: dabitis pœnas Hispana iuuentus,
Et tu sub Parma dux male tectæ tua.*

*Manibus innumeris Sidnæum optabitis unum
A fatis redimi: nec redimendus erit.*

*Interea hunc titulum rapti super astra Philippi
Felix subiecto corpore marmor habe:*

*Qui iacet hic, non ille iacet, sed ad astra volavit:
Ista sequi vellet pars, nisi clauda foret.*

*Est bene quod partem patriæ, Sidnæe, relinquis,
Vt neque totus abis, sic neque totus obis.*

CELEBRATE funeratum
Hilares Deæ Philippum.

Vide òne vos Camœnæ,

An iniqua fascinati

Species obest ocellis?

Aganippides-né veræ,

Mihi numen expetitur?

Aganippidum-né talis

Lacerata turba crines,

Caperata turba frontem,

Oculos, genas, labella,

Misero rigata fletu,

Venit ad suos poëtas?

Aganippides profectò:

Nimium tamen seueræ

Facie, sed vnde vobis

Nebulosa frons paternum

Didicit referre fulmen?

Vbi splendor ille vestri,

Vbi lux serena vultus,

Satis ausa prouocare

Veneremque Gratiasque,

Hyperionisque nato

Medio inuidenda cœlo?

Ego

Ego me nitore tanto
Comitante, non grauaret
Stygijs datum tenebris.
Heliconios in agros
Ego vos sequens, negarem
Rhodios vel esse solis
Radijs, vel esse famâ
Nisi mentiente, claros.
Nitor iste quò recessit,
Et amabilis venustas?
Redeat vetusta forma,
Mihi grata, cariorque
Maris Indici profundo
Rutilantibus lapillis.
Remouete iam dolores,
Gemitusque pertinaces:
Satis est, satis, superque
Cineri datum *Philippi*.
Lacrymis quousque vestris
Heliconis vnda notas
Superabit aucta ripas?
Sale fons coinquinatos
Latices, nec eliquatis
Niuibus, nec imbre factos
Stupet alueus tumores.
Stupet ecce fons, fugamque
Meditatur Hippocrene.
Moderatiore fletu
Nepheleis expetita est,
Quoties opaca mater
Mare turbat, atque mersam,
Sua damna, quærit Hellen:
Freta cum Leander audax
Putat excitata ventis,
Lacrymis sed illa crescunt.
At vt huic nihil citato

Licet inuenire ponto,
 Nisi triste nomen Helles:
 Ita vos nihil, *Philippi*
 Nisi nomen hoc in orbe,
 Et in orbe nil celebre
 Nisi nomen hoc *Philippi*,
 Reperire fas putetis.
 Aliud nihil Pelasgæ
 Nisi te, *Philippe*, Musæ,
 Aliud nihil Latinæ,
 Nisi te, sonare norunt:
 Latioque iam potita
 Decus agri turba Tusci
 Proprium filet Petrarcham,
 Tibi carmen ore fundit.
 Neque Galla, nec Britanna,
 Nec Ibera siqua Clio est,
 Alium virum canendum
 Nisi te, *Philippe*, sumit.
 Licet hostis ipse, fusi
 Sibi conscius cruoris,
 Renuat, tuas vel aure
 Bibit abnuente laudes.
 Alemanicæ Camœnæ,
 Facilesque iam Sycambrae,
 Sibi militem ducemque
 Doluere morte raptum.
 Et Aramicam *Philippi*
 Tetigere fata Musam:
 Nisi forte Musa nulla est,
 Quia Musa nota paucis.
 Sed in his, *Philippe*, paucis
 Quis inesse te vetabit?
 Tibi nulla pars peractæ
 Fuit vñitata vitæ.
 Tua qui sequendo viui

Potuit referre facta;
Nimis ille, si quis ille est,
Ioue natus est secundo.
Tua qui cadendo in armis
Potuit referre fata;
Nimis ille (sed quis ille?)
Nimis ille nemo certé;
Nisi Iupiter sit ipse.
Celebrate funeratum
Nouies nouem Camœnæ.
Celebrate quotquot vîquam
Heliconidum sororum
Varias soletis artes
Varia docere voce.
Reticetis? impeditné
Dolor has, an ira, laudes?
Vetat ira: nam dolorem
Doluistis antè totum.
Nihil est quod antè fufis
Lacrymis quis alter addat
Gemitus: sed ira, Musæ,
Iubet ira vos tacere.
Scelus ecquod est Philippi,
Sibi quod prius secundum
Rear excitare numen?
Scelus esset hoc putare.
Grauis at rapina, nuper
Fugientis hinc Philippi,
Tulit hinc in astra, quidquid
Helicon scientiarum
Peperit; suisquæ Tempe
Vacua artibus reliquit.
Fruitur sed ille tantis
Opibus; colitquæ cœlos
Spolijsquæ tecta partis
Iouis ornat alta victor.

Pater annuit Deorum,
 Neque letior putatur
 Statuisse, post Gygantes
 Superum labore cælos,
 Medio tropæa cælo.
 Inopes dolent receptum,
 Et amant tamen receptum,
 Superis Deæ *Philippum*.
 Sed ut inuicem profari
 Dolor, ira, amorque pugnant,
 Faciunt filere mœstas
 Dolor, ira, amorque Musas.
 Mea quisquis (ut merentur)
 Malè nata verba culpas,
 Reticentibus memento
 Domino excidisse Musis.

- " **M**ORS *gravis nimis, ah, nimis gravis mors,*
 " *Quæ cunctis animam suam Britannis*
 " *Rapis, totq; homines necas in uno:*
 " *Quod crudele satis, satisq; longum*
 " *Facto supplicium tuo precabor?*
 " *An, qua tu reliquis soles nocere*
 " *Morte, illam capiti tuo precabor?*
 " *Ut fiat tibi pœna rationis.*
 " *At mors non poterit nocere Morti,*
 " *Serpentem citius venena perdent.*
 " *Ergo (Dij iubeant valere vota)*
 " *Vitam perpetuam tibi precabor,*
 " *Ut sis ipsa tua molesta vita*
 " *Mors gravis nimis, ah, nimis gravis mors.*
-

VT inexorabile texi
 Vidit Tritonia fatum,

Necque

Neque Mauors, cætera discors,
Sed in hoc concordibus vno
Studijs, fera flectere posset
Auidarum corda sororum,
Fratrisque suasque Minerua
His verbis prodidit iras:
Solutus-né Coronide natus
Superas reuocabit ad auras
Thesiden; solus Apollo
Immensos fata per annos
Poterit proferre Sibyllæ?
Igitur dea nulla Minerua est,
Et Mars sine numine nomen:
Et quisquam é plebe deinde est,
Qui nostris credulus aris
Imponet thuris honores?
Et quisquam credet habere
Diuinas carmina vires,
Aut fortis robora dextræ?
Noster iacet, ecce, *Philippus*,
Nec dos fugat vtraque mortem.
Neque sustinere sorores
Dare tempora iusta senectæ,
Viridis sed fila iuventæ
Placet immatura secari.
Sed & hoc fortasse verentur,
Ne, cum stata venerit hora,
Instantia fata repellat,
Qui tam iuuenilibus annis
Studet immortalia tantum.
Properant quoque stamina *Parce*,
Ne, si mora parua superfit,
Fatorum à legibus ipsam
Redimat virtute iuventam.
Impunis cætera turba
Quæ sicut corpore curuo,

Ita

Ita spectat pectore terram,
 Digitis, iam mente labante,
 Transactos computat annos,
 Primis neque rapta sub ausis
 Moritur lugenda propinquis:
 Tu, cuius cœlica virtus
 Ad lucida nititur astra,
 Cadis immaturus, & in te
 Miseri spes occidit orbis.
 At nil nisi corpus iniqua
 Mors deletura *Philippi* es,
 Pulchro adiungetur Olympo
 Nostri pars altera iuris.
 Dixit Dea. at inuida Clotho
 Fusum aptat, & altera telam
 Quærit, vix Atropos illam
 Patitur sua ducere fila,
 Sed in ipso stamina fuso
 Scelerato pollice rumpit.

COLLIS ô Heliconij
 Cultor, ô modô Belgicæ
 Grande militiæ decus,
 Nunc poli rutilans iubar,
 Gaudiumq; Deorum,
 An-né de supera vacat
 Arce, funeris irritas
 Cernere exsequias tui,
 Ut locum lacrymis rigens
 Myrrhinisq; suisq;
 Nobilis procerum cohors,
 Sordidaq; Academia
 Veste? tu tamen omnium
 Rides stultitiam piam,
 Et stultam pietatem.

*Aula quem pia Principis,
 Quem parens Academia
 Mortuum putat & gemit,
 Non ibi positus iacet,
 Sed cum Dys agit a tum.
 Luctus hic tibi cognitus
 Antè, non animum mouet,
 Videras quot amantibus
 Funderent lacrymas genis,
 Astrate petituro:
 Hoc stupes tamen unicum,
 Quid velit sibi femina,
 Quæ flet ad tumulum tuum,
 Sic tumens, quasi viscera
 Rumpi tota minentur:
 Corpus est macie oblitum,
 Recta nusquam acies stetit,
 Carpit, ipsaq; carpitur,
 Estq; supplicium suum,
 Felle pectora squalent:
 Vulgus Inuidiam vocat.
 Non flet illa, quòd occidis
 Morte, sed lacrymas ciet,
 Quòd tam fortiter occidis
 Morte non lacrymanda.*

QVI iam fato meliore viges,
 Acieq; vides presente Deos,
 Tætra mundi facie solutus,
 Pæné in primo limine vitæ,
 Quemq; imprudens fecerat hostis
 Terras supero mutare polo,
 Si modò rursus patrijs esses
 Redditus oris, rursusque suo
 Hæc gestiret terra Philippo:

D

Quid

Quid tibi tandem prius optares,
 Quàm, si posses, occidere vt prius?
 Si Nestoreos Dij tibi vellent
 Iterum viuo donare dies,
 Pro Nestoreis tu tamen annis
 Toties peteres, vt prius, emori,
 Quoties Pylius musta quotannis
 Bibit autumnno redeunte senex.
 Si quid Superos velle putarem
 Potius fieri quàm superos Deos,
 Tecum rerer velle perisse
 Funere parti nominis æmulos.
 Hoc officium nunquam potuit
 Pro Dardanidis præstare suis,
 Cætera præstans omnia, Apollo:
 Nec pro Troia sustinuit mori
 Licèt *Aeneæ* laucia mater.
 Tam præclaro licèt inuideant
 Numina facto, numina tale
 Edere facinus natura vetat.

REDDIT *A* cognato proles Sidneia cælo,
 Quem tenet in vobis, Numina summa, locum?
 An nouus in cælo sid. cen stellisq. coruscus
 Temperat Orpheæ fila canora lyra?
 An-nè, fatigato post tot modò secla Tonante,
 Pro Ioue nec dextra debili ore tonat?
 Sic licèt hic vates, quo nemo doctius ipsos
 Detineat cithara carminibusque Deos:
 Non tamen Ismario est dignus succedat vt Orpheo,
 Et cui non primo sit lyra dandi loco.
 An iaciet fulmen? dilectas fulmine terras
 Ledere tam mites non didicere manus.
 At qui aliquod munus, Superi, præscribite: munus
 Desidiâ virtus nescia ferre, petit.

*Spreta (videtis enim) Phœbeæ fræna senectæ
 Igniferos agrè iam moderantur equos.
 Huic date soliferos currus, nec ab igne timete;
 Novit quas habeat terra polusq; vias.
 Nec novus hic fuerit Phœbus; nam munera Phœbi
 Inter Castalias gesserat ante Deas.*

THALIA debet omne, q̄ potest, bonum
 Carmen *Philippo* solucre:
 Nihil Thalia carminis boni potest;
 Persoluit hoc totum Nihil.

IOANNES HOSCHINES.

Ecloga.

LYCIDAS.

Amyntas, Damœtas, pastores.

A. **D** I C mihi, Damœta, cur turpi squalidus ore
 Incedas, dum tar do intras hac pascua gressu?
 Vel nunc interno mœrore liquefcere, vel te
 Non ita pridem aliquo confectum credo dolore.

D. Heu, LYCIDAE nuper dolui de funere nostri.
 Eius (nam solitus cantantibus ille favere,
 Et colere innocuos pastores) eius honore
 Cantando liceat longos nunc condere soles.
 Tu simul, hîc viridi paulum proiectus in herba
 Collibus apricis dum grex spectandus oberrat,
 Adsis ô nostri conatus testis Amynta.
 Nunc tenui liceat modulari carmen auena,
 Distulit hac noster quod dudum in tempora luctus.

A. At primum expedias, quid inevitabile fatum

*Defleres? nec enim crudeli morte peremptus
Fuit luctu aut lacrymis umquam redituus obortis.*

*D. Quid facerē? cum tot flentes hominesq; deosq;
Undiq; conspicerem miser, & latē omnia circum
Tam cari capitis mœrorem regna sonarent:
Men' reticere unum, & miseras cobibere querelas?
Formosum LYCIDAM Charites, fleuere Napææ,
Flestis Hamadryades, Dryadesq; & carula Dina
Ad tantas liquidis lacrymas caput extulit undis:
Deposito fleuit clypeo Mars dirus & hasta:
Vos etiam reliqui fleuistis Diq; Deaq;
Ante alias Musa, tuq; ô Latonia proles.
Nam tuus inprimis LYCIDAS, vesterquē Camenæ.
Vidimus arentes propé, Phœbi munera, lauros,
Nec non, delicias Musarum, Heliconæ relictum.
Quin & erat tremulis lacrymarum cernere riuis
Sordidulas undas Aganippidos Hippocrenes:
Permessumq; olido seimus stagnasse liquore.
Sic LYCIDA Aonides languent moriente sorores,
Illa sic illum, sic ille amplexus & illas.
Has inter lacrymas, atque hac incommoda fati
Tam subiti & duri, quid tandem noster Amyntas?
An segetis magno cumulatam fœnore terram
Et plenum siccis oculis lustrauit ouile?
Certē ego vix tristes etiamnum comprimo fletus,
Dum tam dulce decus pastorum obisse recordor,
Atque alium LYCIDAM spes nulla ostendat auenti
Nobis ille fuit, quod adustis frigus opacum,
Quod fessis requies, & quod sitientibus unda.*

*A. Flenda refers, fateor, nam vix gens Anglica talem
Aut videt, aut sera posthac etate videbit.
Flenda refers, nostro præsertim tempore flenda,
Quo dominantur opes & opum furiosa cupido,
Quo, nisi fortuna donis ornemur amica,
Per campos sylvasq; & deuia rura vagantes
Occinimus surdis, meritoquē caremus honore.*

Nunc igitur dolor est, non longos vivere in annos,
 Qui faciles præbent pastorum cantibus aures.
 Hinc & ego ingemui. Sed cum nil posse dolorem,
 Deberi fati cum summum quemlibet, & cum
 Qua calum LYCIDAS penetrarit laude, subiret:
 Nec mora, Te, dixi, quid, Amynta, luctibus anges?
 Tum me colligere, & tristissima pectora sensim
 Erigere, & vanos depellere corde dolores.
 Tu quoque, Damoceta, muliebre tollito luctum,
 Tu quoque pasce greges lætus: læta, ecce, vireta,
 Et tibi grata nouo gratissima veris honore.
 Dulcibus, en, volucres mulcent concentibus auras,
 Nec renouata tacent ipse sua gaudia sylua:
 Ecce choros ducit cum Nisa Mopsus agrestes,
 Latantur quæ alij pariter, memores brevis æui.
 Quid cessas? Agedum, mœstas depone querelas.
 Da. Ergo vale posthac luctus, lacrymæ ergo valete:
 Tu verò æternum LYCIDA pulcherrime salue,
 Æternumq; vale. Te pascua nostra loquentur.
 Nec te, dum Eois lux aurea surgit ab oris,
 Hesperijs nec dum Phæbus mergetur in undis,
 Effluere ex animis patiemur: te quoq; nobis
 Arcadio dulcis resonabit fistula cantu.

INSIGNIS pietas & ars, Philippe,
 Quæ, te stante, stetit, cadit cadente.
 Laus, quæ non aliquo iacebit æuo,
 Et te stante stetit, stat & cadente.

SIDNÆI exsequias inepta nuper
 Vidit barbaries; & arbitrata
 Hinc se non minimo loco futuram,
 Subrisit: Quis enim mihi (inquit) hostis
 Aut est, aut fuit, aut futurus æquæ est?

Arguis excordes *Sidnai* in funere *Mufas*,
 Et quereris nimium vocis habere tamen.
 Quin mirare magis linguam sine corde loquentem,
 Nam, cor *Mufarum* dulce, *Philippus* obit.
 Sed, ne mireris: nil dicunt, ecce, *Camœnæ*,
 Ipsa *Camœnarum* lingua, *Philippus* obit.

IOANNES GIFFORDVS.

VANA quid *Hispani* celebratis gaudia ciues,
 Hoc quasi sublato bella peracta forent?
 Quæ cecidit bello, tantum fuit umbra *Philippi*:
 Nescius ille sui funeris, astra colit.
 Parcite, iam, non dico, virum, sed parcite numen
 Intempestivo sollicitare ioco.
 Cuius enim in terris vobis fatalis, an eius
 Non erit é supero senior ira polo?

Si, nisi quæ fuerit te gloria digna, *Philippe*,
 Nulla futura tua est: nulla futura tua est.
 ROBERTVS BILÆVS.

ADESTE hendecasyllabi vocanti,
 Sidnæum canite ô leues *Camœnæ*.
 Sidnæum memori referte cantu
 Gratia, Veneres, Cupidine squæ,
 Nec prorsus tacitis tegatur umbris
 Qui lumen fuerat decusque vestrum.
 Sidnæum canite ô *Minerva*, *Mars*que,
 Et quotquot validis præestis armis.
 Vester ille fuit superstes, olim
 Timendus gladio, timendus hasta,
 Ad suprema animosus usque fata.
 Sed quò me rapitis leues *Camœnæ*,
 Ut *Martem* numeris recorder istis?
 Heroâ potius tuba canendum
 Sidnæum hendecasyllabi tacete.

IOANNES HOLOVÆVS.

NVLLVM.

NV L L V M-nē tandem luctibus vestris modum
 Ponetis Angli? Numquid effuso genæ
 Fletu madebunt semper? An nullus mali
 Huius dolorem tollet, aut minuet dies?
 Res digna fletu scilicet longo, iacet
 Flos ille gentis Anglicæ, Hispanæ timor,
 Etatis huius splendor, & mundi decus
Sidneus heros; candida notus fide,
 Virtute notus inclyta, magnus foris,
 Domique longē maximus: vir, cui suas
 Artes Minerva dederat, & Mauors suas:
 Qui laude nulla caruit: & cum iam nihil
 Vltrā teneret terra, quod posset dare,
 Solum reliquit, posset ut cœlo frui:
 Rectaque superas tendit ad sedes via.
 Lugendus igitur, annē laudandus magis,
 Cui tale letum, vita cui talis fuit?

GVLIELMVS SVADDONVS.

GRÆCIA Barbaria diuturno fracta duello
 Nympham petebat Oebalin:
 Gracia cum nympham repetendo amisit Achillem,
 Sæuum dolebat prælum.
 Æaciden, quia fortis erat, lugebat ademtum,
 Laudabilem hoc solum bona.
 Et quoniam Telamoniades sibi Marte feroci
 Amplam est adeptus lauream,
 Dignum Marte virum virtutis nomine fleuit
 Multis peremtum lacrymis.
 Quid minor Atrides, nisi quod formosus, Vlysses
 Facundus? Ambos Gracia
 Ingemuit multo per fusos crimine, tantum
 Virtute ab una nobiles.
 Quas tandem fundet lacrymas, quos Anglia fletus,
 Quæ, nesciens fati sui,

Fortem

Fortem, formosum, facundum amisit in uno?
 Quæ, dum propinquis attulit
 Belgis auxilium, patientibus omine tristi
 Prædurum ab Hispano iugum,
 Et studet exsilium Pietate auertere, Nympha
 Præstantiore ceteris,
 Quarum vel Graci, vel adorant numina Teucris:
 Perpeffa tandem est hoc malum.
 Excellentem armis equitemq; ducemq; Philippum
 Sidnæum, & insignem toga
 Non minùs, infauſto caſum deſiderat iſtu.
 Lugendus hic eſt, patriæ
 Lux quæ decuſquæ ſua, quia non ſolùm occidit vnus
 Bellator audax, ceterùm
 Æacides, Telamoniades, Menelaus, Ulyſſes,
 Omnes in hoc vno iacent.
 Hic viuus patriæ felix, huic patriæ caſo
 Apparet infelix nimis.
 Cui quia vix totus ſimilem tulit, aut feret orbis,
 Teſtante tota Gallia,
 Italia, Hispanoq; ſinu, teſtante ſuprema
 Europa, & ima, gloriã
 Militis occiſi: iam defleat Anglia Marte
 Et bellicoſa, & Pallade
 Natum: conſumat noctem merore diurno,
 Fletuquæ nocturno diem.

THOMAS BARQVERIVS.

SIDNÆUM tenui vix ego carmine
 Luſtro, ſol oculis ille meis obeſt.
 Sol, qui dum occiduo tingitur æquore,
 Noſtræ ſplendidior conſpicitur plagæ:
 Nec morte, aut aliqua nocte reconditur.

EST

Ph. Sidnæi Peplus.

33

EST illi toga laus, sumtis huic obuenit armis
Gloria: quæsitum nomen utrinque tibi.

Est alter studio, genere est præstantior alter:

Magnus utroque modo, fers utriusque decus.

Est hic Marte suo, morte est celeberrimus ille:

Marte tibi laus est, gloria morte tibi.

Si magnam pariant hæc per se singula laudem,

Quem simul ornarant omnia, quantus erat?

HUGO BARQVERIVS.

ESSE pium Æneam cogunt incendia Troiæ,
Dulichium fortem sors inimica facit.

Stet Priami regnum, discrimina tollito rerum,

Non erit hic fortis, non erit ille pius.

Tu, pius, incolumi patria, rebusque secundis,

Fortis es: hoc animi est, hoc pietatis opus.

Nolo virum, cuius virtutes tempora produnt,

Sed qui virtutes indicat ipse suas.

IACOBVS HVSEVS.

In Philippi Sidnæi symbolum,

VIX EA NOSTRA VOCO.

CVM stirpem referas illustrem, diè Philippe,

Et magnos at. uos, conspicuamque domum:

Cum sint nobilium tibi clara insignia auorum,

Antiquumque genus, VIX EA NOSTRA VOCAS?

Insignis quibus ergo studes insignibus esse?

Vnde tuos titulos, stemmataque unde trahis?

An studium, mores, pietatem, fortia facta,

Virtutem, & mentis munera, NOSTRA VOCAS?

Quatu NOSTRA VOCAS, ea sunt diuina, Philippe,

Nec meliora illis dicere NOSTRA potes.

SAMSON HVSEVS.

E

CVM

" CVM te fata superstitem
 " Regina, & thalamis coniugis aureis,
 Et caræ patriæ negent:
 " Flagrent indomitis bella tumultibus,
 " Rumpant fœdera principes,
 " Et funesta ruens prælia misceat
 " Orbis principibus suis.
 " Nec motus modici, nec leue prælium
 " Gliscens-ue exiguus furor,
 " Sidneum tulerat. parua-né copia
 " Parmensem sequitur ducem,
 " Aut paruo geritur sanguine prælium?
 " Fatis dira iubentibus
 " Cum, Sidnæe, volens prælia posceres,
 " Quanto fulminæ impetu
 " Concurrere acies, quis gemitus fuit
 " Duro Marte cadentium?
 " Cum vibrata levis lancea strideret,
 " Crebros cum sonitus darent
 " Pulsatæ galeæ, cum resonantibus
 " Versaret clypeum ictibus
 " Ensis cæde rubens; quis fragor exstitit
 " Armorum, & facies necis?
 " Voluebantur humo fortia corpora,
 " Atro puluere squalida;
 " Effuso maduit Belgica sanguine.
 " Illic in medijs furens
 " Et cum principibus mistus Ibericis,
 " Sidneus pepulit fugans
 " Hispanas acies, fortibus intonans
 " Armis, nunc pede feruidus,
 " Nunc sublimis equo. ter valido ruens
 " Martem inuaserat impetu;
 " Ter conuersa fugâ verterat agmina.
 " Iam victor meruit mori,
 " Sed tritis nurbus victor Ibericis,

Emtus sanguine militum,

Emtus nobilium funeribus ducum.

GVLIELMVS WATSONVS.

O XONIVM plenos nondum tibi soluit honores,
Cum te spectata Principis aula vocat.

Nec tibi maturos Princeps persoluit honores,

Cum Mars ad bellum te furiale vocat.

Nondum soluerunt partos tibi bella triumphos,

Cum te victorem mors inopina vocat.

Non tibi qua voluit viuenti premia ferre

Princeps defuncto premia ferre potest.

Non Mars, nō Musa, Princeps, Academia, Castra,

Iam sat habent lacrymis te decorare suis.

SI vinci virtus armato nescit ab hoste,

Si modò qui causâ sit prior, ille prior:

Tu causa superas, superas virtutibus hostem:

Fortunâ tantum præstitit ille tibi.

IOANNES HVNTVS.

CEDITE, maiores: veterem noua gloria vicit,
Posteritas priscos exsuperavit annos.

Quam deposcebant te Codre oracula vitam,

Sidnæus patria reddidit, ecce, sua.

Æneas humeris patrem post bella ferebat,

Hic, humeris patriam bella per ipsa tulit.

Non ego iam miror - ué senem, laudo - ué Catonem,

Me totum iuuenis detinet iste Cato:

Præcurrens fato fatum, virtutibus annos,

Ante diem felix, mortuus ante diem.

" **I**N quo tanta fuit virtus, constantia tanta,
 " Tanta fides, tantus religionis amor:
 " Demissum cœlo quem credidit Anglia, duro
 " Tempore flagranti seditione tibi:
 " Dic quid tam celeri portendit ire nobis?
 " Ten' rear offenso displicuisse Deo?
 " Placatum tibi vita Deum sanctissima monstrat:
 " Iratum nobis mors properata Deum.

RICHARDVS DANIEL

" **N**ON minus est, laudes clarorum æquare parentum,
 " Quàm genus obscurum nobilitare, decus.
 " Tu verò illustres illustras laude parentes,
 " Nobile tu superas nobilitate genus.
 " Venisti ad summum, iam Gades pone, Philippe:
 " Ultra virtutes non licet ire tuas.

RARA desertas Arabum latebras
 Incolens Phœnix, lacrymisquæ thuris
 Atque fragranti saturata succo
 Suavis amomi,
 Defer extremis Arabum colonis
 Inclytis clarum meritis *Philippum*,
 Audiant sylvæ, laceræquæ rupes
 Nobile nomen.
 Aureum Phœbi decus atque cœli
 Cycne, cycneas age funde voces,
 Tolle *Sidneum* super alta dulci
 Sidera cantu.
 Hunc vehas passis Iouis ales alis,
 Hunc Ioui, misso Ganymede, porta:
 Quem simul cœlo fugiens locaris
 Aurea quæ altra,

Tristis

Tristis ereptum sibi flebit orbis,
 Nec tamen flebit superis receptum;
 Illius toto rutilabit orbe
 Nobile fidus.

IACTAT Roma Numam, Sidnæum terra Britannæ
 Non erat hic meritis quàm fuit ille minor.
 Quæ Numa præstiterat cara rex commoda Roma,
 Priuatus patria præstitit iste sua.
 Ille quidem pauper recto gaudebat & equo,
 Hic quamuis diues, iustus & equus erat.
 Ille bonus, sed priscus erat: laus illius illa est
 Temporis: hic, nostro tempore talis erat.
 Ille fuit sapiens atatem nactus & annos,
 Hic, sapiens, etas cum prohibebat, erat.
 Non satis illius laudari candida vita,
 Nec satis istius mors generosa potest.

HÆRES occiso tibi quis, Dudlac, Philippo?
 Quis vé tibi superest, terra Britannia, pater?
 An nobis ætas alium dabit vlla Philippum,
 An tantæ spes est indolis vlla super?
 O vtinam tu nunc hæres Dudleius esses,
 Virtutisquæ hæres terra Britannia tuæ.
 Non posset similem Dudleus habere nepotem,
 Nec similem posset patria habere patrem.

TALEM Britanni te modo viderant
 Sidnæe, qualem viderat & Tagem
 Thuscus colonus, non senili
 Ore, sed ingenio senili.
 Talem videbat te modo Belgica,
 Qualem decoro vertice viderat
 Inter nitentes eminentem
 Militis Agolici phalanges

*Troianus altum rex Agamemnona:
 Qualemque templo vidit, Apollinis
 Pulchro virentem flore palmam
 Et teneris folijs Vlysses.
 Sed qualis hosti visus Iberico es?
 Qualis per agros & sata proruit
 Sternitque torrens omne pratum,
 Et pecora & stabula ipsa voluit.
 Qualisque Pallas Gorgone turbida,
 Armisque cinctus Mars adamantinis
 Versans cohortes, atque fusis
 Hostibus ingeminans timorem.
 Impune laeso quis fuit obuius?
 Dextra quis ictum sustinuit tuae,
 Sauam retorquentis securim
 Et validam quatientis hastam?
 Testatur hostis funeribus suis,
 Versisque signis atque obitu ducum,
 Virtus Philippi quanta, quantus
 Fulmineis fuit ipse in armis.*

THOMAS BASTARDVS.

FARE age, Amyntiades potior fuerat-né *Philippus*,
 An qui *Sidneis* nomina duxit auis?
 Scilicet ille manu fusis fit clarus Achiuis,
 Hanc solam victo traxit ab hoste notam.
 Hic, ipsas arte omnigena superauit Athenas,
 Victa nec inuita Pallade Pallas erat.
 Siue modis verba aptaret, seu carmina neruis,
 Æmulus istius laudis Apollo foret.
 Seu terram emensus radio, coeli que meatus,
 Nullum Euclidea nouit in arte parem.
 Seu res optaret tractare idiomate Graio,
 Isæum iures Andocidem-ue loqui.
 Vtra igitur speciosa magis victoria? & vtra
 Censeri debent pulchra tropæa magis?

Pallade

Pallade Mars quanto, quanto Armipotensquæ diserto,
 Atque oleis quanto querna corona minor:
 Bellica Amyntiadæ tanto monumenta *Philippi*
Sidnæi docta deteriora toga.

MATTHÆVS DAVISIVS.

PAR *superum titulis diuinus nomen Vlysses* "
 Obtinet: ingenio vatis, an ipse suo?
Si virtute sua duntaxat, magne Philippe "
 Quod superis certet tu quoque nomen habes.
In te par virtus, maioraquæ cetera, per qua
Virtutis fieret gloria maior, erant. "
Illi Palladium fuerat prudentia munus,
Et tibi præcipuè Pallas amica fuit.
Sed qua tu iuuenis noras, prohibentibus annis, "
Docta malis illi nosse senectæ dedit.
Ille peragrandò varias cognouerat vrbes,
Te quoquæ in hoc potuit nomine ferre parem. "
Sed minor huius honos, quòd tempestatibus ætus,
Laus tua, quòd tibi vis nulla moueret iter. "
Ille aliena quidem non propria bella secutus,
Militiaquæ fuit publica causa tua.
Verum hoc dissimilem longè tibi reddit Vlysses, "
In causa simili non potuisse mori.
Vno (si omnino superet) superavit Homero,
Laudatore minor, cedere laude neges. "
Est tamen & qui te dijs exæquare supremis
Audeat, & cæci crimina nulla ferat. "

SIVE tuis instare velim *Sidneie* gestis,
 Eximium referent fortia facta genus.
 Seu genus intuear, series generosa docebit,
 Quàm dignum virtus sit tua nacta locum.

Quacumque

Quacumque aspicio, diuina præditus aura
Pectoris argueris nobilitate tui.

NATHANAEL HARRISIVS.

VIRGILIUS nostro si forte resurgeret æuo,
Inque Britannorum poneret orbe pedem:
Quod sacro moriens olim deuouer at igni,
Iam tandem mendax ignis haberet opus:
Historiamque tuo Sidneida nomine dictam
Conderet, & sancta carmina digna fide.

QUOD sit ab antiquo tantum celebratus Homero,
Felicem Macedo rex vocat Æacidem.
O me infelicem, quia tu, diuine Philippe,
Felix carminibus non potes esse meis!

NON est limitibus distincta, Philippe, nec oris,
Sed velut in multas laus tua secta vias.
Et quasi per totum diffusa perambulat orbem,
Ut mundus de te gestiat ipse loqui.
Nam nec eras Cambris, nec solis notus Hibernis,
Funere qui patris condoluere tui.
Notus es Hispanis, Italisque potentibus armis,
Sæpe tuum furtim qui petiere latus.
Quid quod Gallorum, Germanorumque leguntur
Scripta sub auspicijs multa, Philippe, tuis?
Denique tota tuum nouit vicina Booti
Nomen, & aduerso terra propinqua polo.
Gueldria sustinuit morientem sola videre,
Gueldria barbarica digna perire manu.
Illa prius misso melius periisset ab igne,
Humano rursus non adeunda pede.
Aut potius falsis latuisset mersa sub undis,
Digna vetus merito perpetuasse chaos.

Terra

*Terra suo melius caruisset Ibera Philippo,
Quàm caret infelix terra Britanna suo.*

VT matrem sola superas virtute paterna,
Sic quoq; materna nobilitate patrem.
Sanguine cum patrē superes, virtutibus eques,
Æqualis matri nobilitate tuæ:
Nil opus est fratri, nil te conferre sorori,
Vxoris fiat mentio sola tuæ.
Quam tamen vt solo videaris vincere sexu;
Hoc satis vxorem sit superare modo.

CV I te maiorum liceat præponere, quaris?
Quem tibi maiorum, lis ea maior erit.

CV M tuus ætherea vescatur spiritus aura,
Corpore qui tanq̃ carcere clausus erat:
Despiciens terras ex alto atque æquora cœlo,
Et quas possedit, quasque reliquit opes:
Patria te quamuis, quamuis Regina reposcat,
Quæ possent superos vota mouere Deos:
Quamuis te repetat *Dudlaus* vterque; tuoque
Quæ fuit extremum nomen in ore, soror:
Quamuis te fratres, quamuis desideret vxor:
Non tamen in terris amplius esse velis.

VT sic *Hispani* morereris fraude *Philippi*,
Belgica non tanti *Gallia* tota fuit.

QV AE tulit à patria, nuptaque recente *Philippum*,
Et quæ præcipitem vexit ad arma ratis:
Quàm nimium ventos habuit scelerata secundos?
Quàm nimium placidas illa secabat aquas?
Tunc vbi vicinus radijs orientibus *Eurus*,
Natus vbi *Hesperio* ventus in orbe fuit?
Quique salum nimbis turbat pluuias *Auster*;
Et *Bortas*, gelido qui ferus axe furit?

F

Frangere

Frangere fatalem poteratis in æquore nauem,
 Ut saluum fracta naue redisset onus.
 Aut aliquis magico cohibebat murmure ventos,
 Aut vos cantatæ tum fueratis aquæ.

IOANNES OENVS.

" **N**ON ego vos duras audebo dicere, Parca,
 Nec rigidus seuas exagitabo manus.
 Vos tamen aut lenes si dicam, aut esse benignas,
 " Mentiar, & fidum pectus habere neger.
 Namq; suum terris tantum ostendisse Philippum,
 " Optatosq; orbi corripuisse dies:
 Si non seuitiam, diramq; tyrannida clamet:
 " Quanto candorem iustitiamq; minus?

QVAENAM ego Sidnæi referam præconia, quæris?
 Tantaque qua deceat laude tropæa cani?
 Id vel ab Hispanis & Eoo milite discas,
 Verius id multo Parma referre potest.

QUEM non turma equitū poterant pedum-ve phalanges,
 Pelidem sacra vicit in æde dolus.
 Quos, virtute nefas & aperto Marte perire,
 Occidi Fabios quàm leue fraude fuit?
 Hinc ego cum pulchrè latam per vulnera mortem,
 Meoniaquè agito fata canenda tuba:
 Iure quidem ingentes animos & pectora miror:
 Non miror casum Diæ Philippe tuum.
 Scilicet intrepidè ruit arma per ipsa, nec umquam
 Simplex nobilitas per fida tela cauet.
 Quoquè magis Superos summis virtutibus æquat,
 Angitur humanis hoc minus illa dolis.

ANTI-

ANTIQVÆ magna quem stirpis origine Mater,
 Quem veteri ornat nobilitate Pater:
 Qua maior, quæris, videre? id nescio: verum
 Hoc scio, virtuti cedere vtramque tuæ.

BENIAMIN HEYDENVS.

GRÆCIA tota luit pœnas, quod Oïlius unus
 Facturus cadem Palladis æde fuit.
 Ergo qui morti dedit ipsam Palladis ædem,
 Participes pana quot feret ille sua?
 Hoc scelus admisit, læsit quicumque Philippi
 Impius armigera membra dicata Deæ.
 Vulnere nec credo minus hoc gemuisse Minervam,
 Quam solet in quercu saucia facta Dryas.

CV M lætus celebrem reliquos virtute minores,
 Cur hic muta stupor comprimat ora, rogas?
 Parce precor: nam nos aliorum nomina terrent,
 At tua nos Gorgon visa stupere facit.
 Et meritò, nam quem nulla beat ægide Pallas,
 Fas-né Medusæas posse videre comas?
 MAVRICIUS MERICCVS.

HECTORA quod peperit, felix, felicior alta est
 Troia, simul quoniam Pulydamanta tulit.
 Scilicet ille animis ingentibus arma capeffens,
 In medios hostes, quæ rapit ira, ruit.
 Aptior at tumidas multo in præcepsque ruentes
 Consilio vires hic inhibere suo.
 Sin quis vtrumque simul bino gestabit in uno,
 Pulydama squæ animo, viribus Hector erit:

Ph. Sidnæi Peplus.

*Ille, quis, aut qualis? reticenti parcite: nam me
Cetera mirantem nunc stupor altus habet.
Cum stupeo, credas me te sentire, Philippe,
Hec mihi virtutis stat nota certa tua.*

SIDNÆVS titulis vt sit generosus auitis,
Atque atavos superet nobilitate suos:
Vtque etiam immensum (quod carmine crescere nescit)
Vilior imminuat Musa canendo decus:
Attamen illius cum sit res publica nomen,
Sit de communi pars quoque nostra bono.

SOLA fauet Teucris Venus, & Saturnia Graijs,
Cecropysq; fauet sola Minerva suis.
At te Diua omnes ornant, decorantq; superbis
Certatim donis, Iuno, Minerva, Venus.

GVLIELMVS BUTTONVS.

CVM foret incertum, patriæ tu carior esses,
An tua cara magis patria terra tibi:
Bella gerens, quanto patriæ tenearis amore,
Morte tua liquidum clare Philippe facis.
Sed non morte tamen vicisse Philippe videris,
Æternus quamuis sic tuus exstet amor:
Nam pro te vinci pugna voluisset in illa,
Vt te seruasset patria victa sibi.
Nescio vter vincat, tu-né, an tua patria, dum te
Patria, tu patriam vincis amore tuam.
Hoc scio; cum vinci pro te tua patria tristis
Optat, amore tui cedit amore sui.

GVLIELMVS BAYLEVS.

VT cœli faciem non æquoris vnio reddit,
Quamuis æquoreis exoriatur aquis:

Sic

*Sic, Sidnæe, licet tua sit terrena propago:
Mens magis aternos est imitata Deos.*

VITRICVS Augusti structa iunxisse *Philippus*
Belligero Musas dicitur æde Deo.
At quanto melius nostra de gente *Philippus*,
Pectore qui iunxit numen vtrumque suo?
Inunc, & Phrygijs animi præpone columnis
Templa, colis nullos quæ bene, Roma, Deos.
Qui superis mauult animi delubra sacrare,
Candida quàm Parijs marmora cæsa iugis:
Ille sibi meruit, superis quem reddit, honorem:
Sed furor est templis altera templa coli.

SI Mars cum Musis, Musa cum Pallade, Pallas
Cum clypeo potuit fœdus inire suo:
In lingua laurum Sidnæus, in ægide pacem,
In studio Martem, robur in arte gerit.

ROGERVS RAVENSCROFTVS.

FORTIBVS audacem pugnare coëgit Achiuis
Hectora, Pulydamas, opprobrijque timor.
Fertur in aduersos animosus Troas *Achilles*,
Quem tamen in bellum feruor & ira rapit.
Magnus *Alexander*, stimulante cupidine regni,
Impia cum multis gentibus arma gerit.
Bella parat *Crassus* fugientibus horrida Parthis,
Crassus auaricia ductus opumque siti.
Non timor opprobrij *Sidneum* in bella coëgit,
Gloria cui tanto scenore parta fuit.
Non inflammatum sæuos furor egit in hostes,
Qui tam mansueto pectore semper erat.
Non quæsiturus modò quem contemserat orbem,
Fortiter inuicta mouerat arma manu.
Sed nec opum armauit cupidum furiosa cupido,
Qui plures habuit quàm cupiebat opes.

Quod si quis gessit iusto pro principe signa,
 Et, si pro patria quis pia bella sua:
 Si quem relligio diros acuebat in hostes,
 Hoc tu gelsisti bella, Philippe, modo.

QUE M canit, & merita defendit laude canendum
 Plurima militia, plurima turba domi:
 Anglia quem varia canit & Germania voce,
 Dijs similem quem vox omnibus una facit:
 Hunc ego non celebro, nec enim, me iudice, tanta
 Nomina mortali sunt referenda sono.
 Si nisi summa Ducem celebrare scientia summum
 Nulla, licet biberit totum Helicon, potest:
 Quo melior dux nemo fuit, quo nemo poëta,
 Solus is è proprio debuit ore cani.

THOMAS ATEIVS.

HECTORE donabat Priamū prece motus Achilles;
 Quod Priamo dederat non tamen Hector erat.
 Gueldria (sic nebant Parcæ) nostrum Hectora demsit:
 Quod nobis demsit non tamen Hector erat.
 Non magni membrorum artus, non ossa, lacerti,
 Virtutes nobis Hectoris, Hector erunt.
 Indelibatas has nobis liquit, & artes,
 In quibus haud vllum ius ferus hostis habet.
 Sancta licet paruo condantur membra sepulchro,
 Nulla teget laudes vrna, Philippe, tuas.

MVCIVS intrabat Porsenna castra, paratus
 Vel patriæ auxilium, vel sibi ferre necem.
 Dum struit insidias, captus: mors, pœna paratur:
 Nec leue mortis iter, quod graue crimen habet.
 Ille manum intrepide crepitantem iniicit in ignem,
 Constanti & tales reddidit ore sonos:
 Discite Romano quæ vis, gentique togatæ,
 Mille dabit tales patria nostra duces.

Territus

*Territus exsurgit Rex: pax est facta: tyrannum
 Quem non Roma potest, dextra cremata fugat.
 Fortior hoc multo Sidneius: ille per astum,
 Hic, per virtutem quod tulit, omne tulit.
 Ille unum, hic latos sternebat mille per agros:
 Pro patria hic vitam perdidit, ille manum.*

EXSTINCTVM veteres fama est fleuisse Quirites
 Annibalem; quamvis perfidus hostis erat.
 Non flebant, quoniam patriæ fax dira remota est:
 Interitu tanti perdolere ducis.
 Nunc, tibi si qua manet priscae virtutis imago,
 Inclyta belligeri Roma propago Dei:
 Quos illi dederas, redde huic in funere fletus:
 Dignus obit lacrymis Annibal iste tuis.
 Quamlibet infesto virtus laudatur in hoste:
 Roma tuus (dubitas?) Annibal hostis erat.

QUIS diuine tuam ponet, Sidnæe, figuram?
 Quis dotes animi pinxerit arte tui?
 Aut nemo, aut faciem solus depinget Apelles:
 Aut nemo, aut præco laudis Homerus erit.
 Quis totam pinget vultusque animique figuram?
 Has certe ad formas vix satis unus erit.
 Pingere Maonides, aut pangere discat Apelles:
 Sic forsitan qui te pinxerit unus erit.

CAROLVS RIVIUS.

HAVD procul à Tropico Cancræ, celeberrima spectas
 Orphica conspicuum qua lyra parte polum;
 Stella micat radijs: olim mutatus in illam
 (Si fas est fama credere) cygnus erat.
 Ergo ne cognati memores in funere honoris
 Nunc quoque Strymonia dulce queruntur aues?

Dulce

*Dulce canis cygne? An, verso in contraria fato,
 Tristia lugubri funera voce doles?
 Incipe fatales mecum, cygne, incipe cantus,
 Quos tibi siue dolor, gaudia siue mouent.
 Funera cygneo nam si sunt carmine flenda,
 Quid ni Sidnæi funera, cygne, fleas?
 Sin tua iucundis magis apta est Musa Camœnis,
 Incolit, en, cœli sidera, dulce cane.*

” **E**ST, vbi coos Arabas resurgens
 Phœbus aspectat radijs, volucris
 ” Nobilis, multis diuturna sæclis
 Nomine Phœnix.
 ” Vnus hic toto licet orbe viuat,
 Atque sint certæ stata fata vitæ:
 ” Hic tamen toto viget vnus orbe
 Prole perenni.
 ” Scilicet mors, quæ rapit hunc, futurum
 Gignit, exusti rogos, est sequentis
 ” Vita, sic semper moriendo Phœnix
 Viuere discit.
 ” Sorte fœcunda nimis ò beate,
 Cui decus Diui tribuunt perenne,
 ” Cuius haud Phœnix moriens amœnas
 Deserit oras.
 ” Noster (heu) fato perijt cruento
 Anglicus Phœnix, nec adhuc dat ætas
 ” Hæc nouum nobis, similem-vé posthac
 Vlla datura est.

DV Mscrutata sua est Natura araria nuper,
 Hæc, inter reliquas inueniebat opes.
 Mellitum primò genus & sublime loquendi,
 Romanum quondam quod Ciceronis erat.
 Huic vicina stetit fœcunda in carmine vena,
 Quæ seruata tuos fugit, Homere, rogos.

Proxima

*Proxima multarum diuina scientia rerum,
Rapta ab Aristotelis funere, gemma fuit.
Hisq; vigor comes est, animique & corporis ingens,
De Phrygio spoliū hoc fata tulere duce.
Ista parens rerum fixo dum lumine lustrat,
Et stat diuitijs exanimata suis:
Quam bene conuenient hac quatuor, inquit, in uno?
Munera cur vsus tam bona nullus habet?
Dixerat, & nunquam satis exsaturata videndo,
Dum sua diuersa lumina parte iacit,
Aspicit eximio corpus mortale decore,
Fama refert, olim Cycne fuisse tuum.
Quod simul ac visum est, Hic, hinc, inuenimus, inquit:
Materia est gemmis apta reperta meis.
Sic effata, isto gemmas componit in auro,
Atque opus egregia perpolit arte nouum.
Additus huic operi est diuina spiritus aura,
Inq; nouo dubius corpore motus erat.
Cum veneranda parens, Viue Illustrissime, dixit
Sidnæe, & referens sidera nomen habe.
Protinus ille caput sublime ad sidera tollens,
Splendidior toto sol nouus orbe micat.
Quem Natura parens auido dum lumine spectat,
Concipient animo gaudia plena suo:
Ipsaq; se mirata, sui quasi nescia, factum
Pigmaleoneo more tuetur opus.
Nil adeo deerat: solam violenta senectam
Vnica Natura Mors inimica negat.
Illa diu tremefacta stetit: tum, Proh dolor, inquit,
Conatus noster semper inanis erit?
Ergo satis non sunt ventri tot millia vasto,
Delicias rapias quin furiosa meas?
Sic effata, oculosq; rotans irata, Age posthac
Egregium faciat, qui volet, inquit, opus.
Tu verò dedisce manus quas noueris artes,
Nec simile in quamuis sis opus ansa diem.*

*Sic cum Sidnæo perfecti siquid in orbe
Est, fuit, aut atas post dabit vlla, perit.*

QUID tibi vis, pictor, quod Mortem lumine captam
Exprimis, & cæcam cæcior ipse, facis?
Ah nimium vidit, *Sidneum* quando tot inter
Millia fatali fixit acerba manu.
Quid dixi? Viditne nimis? Mihi lingua labascit:
Illa quidem, fateor, lumine capta suo est.
Nam si vidisset vel iniquo lumine fletus,
Funere commotos, magne *Philippe*, tuo:
Credo equidem aut Stygijs redijsles viuus ab vmbreis;
Aut pro te nollet Mors renuisse mori.

DV *M* pulchram *Veneris* faciem pingebat *Apelles*,
Docta manus medium destituebat opus.
At si quis, Sidnæe, suo te carmine pinget,
Destituet primos ars stupefacta modos.

HENRICVS BELLINGAMVS.

QUID sto? Quid meditor, breues daturus
Sidneo numeros? Quid obticere
Pergo? Commemorem, licet vel vllam
Rem saltem egregiam. Nihil decorum
De tanto poterit viro referri
Quod non iure suo suum esse dicat.
Sidneæ, hæc tua laus, & illa, & omnis,
Quam docti melius canant poëtæ.
Guttas de pelago tuo minutas
Depromsisse mihi sat esse credo.

SOLE *M* quis esse mundo,
Probat quis esse lumen?
Quod confitentur omnes,
Satis referre tantum.

Landare

*Laudare nolo multis,
Quem pradicant tot Angli,
Galli, Italiq³, tuq³,
Germane, tuque Belga,
Aduerso & ipse quamuis
Hispane, Marte pignes.*

NVPER ô hominum decus,
Nunc polo decus additum;
Gratulamur inanibus
En tibi vnanimis modis,
Inclyta nece viuo;
Forfan & Superis pari.
Namque terricolas eras
Inter optimus optimos,
Et parem meritis, pari
Dij locant in honore.

ICTUS à Zephyro cadis
Dum placet Clarij magis
Ars & ingenium Dei,
Sic, ut in viridi tamen
Florestes Hyacinthe.
Sic, Philippe, truci iaces
Marte, dum tibi Cynthia
Plus & Aonides placent.
Fama perpetuo tamen
Pulcra flore virescit.

QVALIS Maroni maximo vati fuit,
Et, Flacce, Mæcenas, tibi:
Nuper superstes plurimis talem vnicus
Sese Philippus præstitit.
Vtinam vicissim nos, duo quales erant,
Essemus omnes carmine:
Atque, ut Camœnæ viuis auspicio tuæ
Est, Flacce, Mæcenas tuus:

Sic tale versu nomen, & longè amplius
Philippe, nostro quæreres.

SIDNÆE, hac fieri quidem,
Quo dicam fieri non video modo.
Spreta est sic tibi gloria,
Ut sit perpetuò facta tibi comes.
Mortis vulnere sic cadis,
Ut te nemo neget viuere plenius.
Sic nos denique deseris,
Ut cuiusque magis pectore inhareas.

ET prodest, & obest (licet repugnent
Isthæc) qui fueris, Philippe, scire.
Prodest, qui fueris fruendo nosse,
At scire innumeris obest carendo.

MARS ut missilibus dispersis undique telis
Sidnæi sensit saucia membra suis:
Imprudens (dixit) quid feci? Præstitit illum
Seruatum castris præposuisse meis.

" **F**INGERE laus quia falsa potest, Sidnæe, legentes
Dicenda perpendant duo:
" Non quàm laudatus sis, sed laudabilis, & quot
Te laude laudati efferant.

" **C**VM constitutum Di; Deaq; venissent
Olim frequentes in locum, Iouis nutu:
De munerando te, Philippe, decretum est.
" Minerva primò dona mentis adiecit,
Docilem q; ad artes optimas voluntatem.
" Tum doctus artes Phœbus & nouenarum
Chorus sororum contulit: dehinc fecit
" Mars nec timentem prælio, nec imbellem.

Hymenæe

*Hymenæe faustas nuptias, opes Plute
 Amplas dedisti: cetera ex Iouis dono
 Data sunt abunde qualibet. sed absentes
 Parca negarunt inuida dare etatem.*

QU-I satis Anglorum mores spectauit & vrbes;
 Qui fecunda tuas cognouit Gallia gentes;
 Et circumfusi transgressus flumina Rheni
 Teutonicos conspexit agros, vrbesque, domosque;
 Danubiumque Albinque; vnaque augusta Viennæ
 Mœnia in aduersos plenæ multo aggere Turcas:
 Vt peregrinatur iam nunc, cum lucida scandat
 Astra quoque, & cœli regiones vndique lustret?

QUAMVIS cruentum sanguine Troico
 Vates Achillem & Mæonius canit:

*Virtute quamuis bellicosa
 Syphiden celebrat carentem.*

Illum, quod armis horridior fuit,

Hunc, quod dolosa fraude potentior:

Illum, quod audax & timendus,

Hunc animo quod erat sagaci.

Nos te, quod instar sis Ithaci ducis,

Instarq; Achillis cedere rescis,

Conamur inculto, Philippe,

Atq; humili celebrare versu.

Nec vis in armis, nec sapientia

Vitam colenti maxima defuit:

Sed temperata pulchre utraq;

Non, ut in Eacide aut Vlysse.

NEC mirum, si te rapiant fata inuida terris;
 Et fortunatum dent super astra locum.
 Scilicet humanum genus illis viuere par est
 Sedibus, his magnos conuenit esse Deos.

CRET A Ioui tumultum posuit, quasi mortuus esset,
 Rex licet æternus, sit licet ille Deus.
 Sic quasi defuncto Sidnæo epicedia plangunt,
 Viuus apud superos sit licet ille Deos.

NON tibi sed patriæ vixisse, Philippe, videris:
 Nec tibi, nec patriæ, sed cecidisse Deo.

LARGIRI solitus tot opes, tot premia Musis,
 Debueras anima parcior esse tua.

In Philippi Sidnæi symbolum,
 VIX EA NOSTRA VOCO, *καὶ ἐγὼ πρὸς τοὺς θεοὺς*.

VIX EA NOSTRA VOCO, quæ nos non fecimus ipsi:
 Hinc propero factis ad mea fata meis.

RES grandes tenui cur epigrammate,
 Et longas breuibus diminuo modis?
 Cur hinc non potius nascitur Ilias?
 Istis ô ego quàm non placeo mihi!
 At tu, quisquis in hac fers oculos, precor
 Ignoscas: inopem copia me facit.

SIDNAEVS qualis fuerit, te, candide lector,
 Carminibus nolim discere velle meis.
 Transeo multa memor: plura immemor: omnia verè
 Transeo, quæ tanto sint tribuenda viro.

RICHARDVS BVCHERVS.

FINIS:

Pag. 29. lin. 11. lege prarâ. & pag. 36. lin. penult.
 Quo simul cœlum fugiens bearis.

TO THE HONORABLE SENATE OF THE MASSACHUSETTS

IN SENATE, JANUARY 18, 1880.

REPORT OF THE COMMISSIONERS OF THE LANDS

IN RESPONSE TO A RESOLUTION PASSED BY THE SENATE

AT ITS SESSION ON JANUARY 14, 1879.

ALBANY: PUBLISHED BY THE STATE OF NEW YORK, 1880.

ALBANY: PUBLISHED BY THE STATE OF NEW YORK, 1880.

ALBANY: PUBLISHED BY THE STATE OF NEW YORK, 1880.

ALBANY: PUBLISHED BY THE STATE OF NEW YORK, 1880.